



敘太常先生集



正嘉中吾鹽汀守張先生贈太
常錢先生先後爲名給事顧兩
先生咸弗克殫厥蘊淹閔陵樊
竟以終老汀州爲給事時海外
百詠千古生色時宰闕媚出守

先君子稱其朝端謹言里居隱
操幾於道焉太常在禮垣
天子嚮方士居齋宮輔臣貴溪
分宜稍稍立門戶通權賄太常
論兩輔臣賄補宮寮疾郭勛黨
復鎮守三臣銜次骨末論方士

陶仲文左道熒惑

上心惡之

而三憾從中齟齬遂

震怒予

削籍去視汀州叵測百倍矣太
常居諫垣時嘗奉勅查楚粵逋
賦時臺省重又特遣守臣廩
懼則故舁積牘如丘山亦不可

窮詰太常篝燈繼晷躬布算詳
摘發亦欲以觀其能者而肩背
遂偃俛以痼疾終或曰是役也
諸乾沒成遣者累千百錢穀歸
度支者以萬計云楚靖州有四
弁名漢官實負固倔强楚撫臣

顧公璘就太常問籌策太常曰
公握重兵勿輕動動且疑疑且
速叛吾以使事往出不意當以
計取而公為內應太常至則諸
怨家投牒侵弁弁意太常使事
來寧有他第衷甲入謁太常謬

為好語三日後弁益無所疑憚
太常詰之曰若受國恩享祿位
人訟若若不奉約束人且誣若
叛以偏師討若若何辭第就訊
吾屬良吏白若誣因揮左右夾
之驅出境遂至會城既乃窟穴
遠莫為助竟置法而功歸撫臣
太常油然而退無矜容視汀州
觴詠重海外殆過太常歸秦溪
於書無所不窺足不出戶而四
方問學士戶屢常滿乃太常薦
寵下輩施予貧交疎戚亦日不

暇給伯氏故病疝小困輒病太
常傾囊予百金助也而伯氏以
為貸及期還金太常逡巡辭曰
弟寔不德而伯氏畛域我也伯
氏遂不忍更言還金後伯氏困
輒予金以為常嘗會葬要津所

聲伎滿前太常驚曰焉有執親
之喪而聲伎娛客者乎徑拂衣
出要津愧謝焉盡併聲伎云孟
堰之役我師赴敵者三千人太
常居相近也饋之餼糧曰兵不
素練何可恃也旣而我師却入

於河以兩將軍衆盡殪太常具
棺槨殮兩將軍斥田掩餘屍築
哀丘焉太常卽里居住郡邑粉
社事隱操不啻汀州又若是兩
先生器誼文章節烈出處後先
若券豈山川氣澆淳蓄壅闕弗

克掀播其奇耶於乎今五年之
間三動大衆不無事矣如汀州
之不辱使命太常之默定反側
在心肅廟猶然況今日乎可勝
道哉可勝道哉人莊皇帝改
元廷臣議故給事錢薇大節尤

著宜褒予勸言者詔贈太常
少卿故稱太常公云太常所著
有承啓堂稿國朝名臣錄海石
聞草學錄樂律諸書防倭均賦
孔廟屯田邊防河套鹽政市舶
諸議存軼殆相半今將以其存
者鋟而行之亦足以見太常之
蘊而霑被裨益於時者矣余婦
太常子也諸潛懿得之婦言又
質之衆口無間因述而叙之俾
企仰盛德者有所考信焉
萬曆庚子春三月之吉前監察

御史子壻許聞造頓首謹序

錢徽字茂懋垣隸鹽人嘉靖壬辰進士自

行人拜礼科給事中轉右給事中贈太常

少卿有承私堂稿

滿石先生像



象贊

淵乎太常體明用確身 意和兵農禮
樂三極四維無不揚 推謹論評謨一本
于學 楚黃後學樊維城題

嘉隆之際吟世為平澁則曰陂異說朋
與先生之學不尚空言出也 有為處有
事為國之司直鄉之典型相祔百禩既
法既程嗟祥生晚敬誦遺編庶幾事乎
大夫之賢 桐鄉後學張履祥題

錢海石先生詩集卷之一



海鹽錢薇懋垣著

後學范希仁抄閱

五言古詩

和此日不再得韻。

宇宙有變化轉移成滄桑 達人慎所趨七尺參穹蒼
嗟彼向學儔胡不惜流光寸心何窮際長養同初陽
斯文啓沫泗入德良有方進修貴定慮曷不辯毫芒
名利苟係念豈知敬義減中心一以蕩善端能無戕
卓哉負荷身棄擲寺糝糠所以豪傑姿內省密退藏

韋編漱餘潤循口采幽芳守玄耻白炫存舌戒齒剛
俛仰千古時攬衣起徬徨大道常坦々發軔塗何長
局促寸步間何能赴康莊志堅力可副養盛光自彰
但惜蜉蝣生競趨荆棘場能無迴俗轍免墮觸藩羊
仰思夜繼日耿耿不能忘譬乘萬斛舟凌風在堅強
江海渺無際一朝駕長航負荷媿弱質涵養須有常
屏居秦溪曲時日漸奔亡欲揮魯陽戈返馭重感傷
人性具聖體吾言匪云狂

送周石崖之任永嘉

聖主起湖湘鍾瑞多奇士周君成棧樸逸駕不可馭

胸中燦五采會此從龍際奮跡公車業傑然誰可配
職當補絲綸奚微賈與史君氣如長虹握符永嘉去
永嘉東南邑民淳俗亦軌君行且若何鳴琴清風裏
時携謝公屐問俗徧山記還古葛天世興此明王理
周棠棠正青河陽花如綺浮雲自升沉令名從此始
悵然悲送君對酒咽不語努力試所蘊竹帛存千祀

答獮波石少參

孰是人中龍徐君莫可測釋褐金閨彥彈冠司太乙
應物精不分神藏氣自逸歷覽參藩岳悠然調化惡
太虛相與游乾坤作我室芝宇暫相對藹々情何極

我歸東海耕學種陶潛秫放屐隨春風汎舟弄清漪
偃息蓬窻下希夷自為遠臨風得芳訊宛若覲顏色
知君同道氣相期無虛日忽亡忘我答兩地各努力
顏然落芬華聊返太始質

送陳子與之新會。

攜手北闕下告我之羊城河隄折柳條贈別難為情
脂車官道傍日落西山明雙旌拂雲漢白馬絡長纓
之子命百里吾道何崢嶸誰謂今非古德綏均蒼生
敷政宜^貴俗御物憑真誠無為巧鉤距赫空負名羅
浮插天表對之時鳴琴一為白雪歌炎海塵氛清終
看奮斐翮秉策游承明

贈周澱山年兄

澱湖有君子高懷絕人識相逢當綺年契慕推同籍
九陌車馬零萍散江湖隔偶登先月樓得共停雲席
念昔握手歡相對各嘆息升沉吾何有所悲壯志失
得偶東海耕耒適了自適君抱匡時才夫乃淹月日
欣茲東林遇日得款疇昔朝曦動清曉起看浮雲白
過從遂初懷倚徙瀟溪室朱顏不可待勸駕舒籌策
脫顛在茲辰我歸理瑤瑟

南陵喜得吏部兄刑部弟信

塞北傳書鴈飛集遊子途相逢授隻帛兄弟總如初
出共朝天騎歸同溪巷居庭前棠樹綠花萼正芳敷
濶別乍相聞歡懷疴欲除翻疑萬里後離思正愁予

永福寫感

群山環周遭一水自停泓坤輿迥盤礴秀拔由天成
東障桂林郡南屏邕管城材官相森羅汗馬嘶秋雲
禦剽逞刁斧城頭殷旆旌日暮風塵暗衝颺聞血腥
怪茲山水區而乏絃誦声典起在教化撫循亮由人
干戈豈難變南國本文明願言解刀劍毋負此鍾靈

書咸寧壁

咸寧本雄邑僻在萬山中淳類葛天民猶存太古風
束帶一問俗胥徒紛蒙茸停午散鳴驕岑寂疑鴻蒙
深院坐炎歊簷宇飄涼風忽聞林間鶴飛嘯凌雲空
清池吐朱華閒庭搖翠松宦遊無定跡寥廓難為逢
承天道中思家目代為家寄從歸之作共得十

有三章

遠遊在何時去見春陽暉素雪忽已紛未謝風塵歸
寧知倚廬望為子成寒衣

遠遊在何方五嶺與三湘相去隔萬里夢子牽衣裳
勿讀岵岵詩試看春雁翔

遠遊為何事王命被行役豈不畏簡書高堂望歸翮
南荒瘴癘多勉旃無久客

右擬親寄三章章六句

浮雲何層々忽隨飄風遠願此百粵游手持三尺憲
辛苦當勿辭聊為夢中見

地列古炎州南徼鷄火陬願爾捧黃麻驅馳逾九秋
蚤暮勤周諮遐方豈王猷

日月屢晦朔氣候倏已旋俯仰同一瞬胡為滯遐天
簿書貴早次舞綵怡椿萱

右擬兄寄三章々六句

驪駒馳而春念君萬里身題箋寄飛雁雁飛復歸秦
况君衡陽南雁書致無因

驪駒馳而夏念君在炎方新裁白團扇欲寄誰為將
薰風從南來君應先得涼

驪駒馳而秋念君數登樓忽見樓頭月輝々度女牛
君心光皎如應照溪閨幽

驪駒馳而冬念君衣未縫每見霜雪紛不改松栢容
君心秉歲寒願如栢與松

右擬內寄四章々六句

休々王父母並壽逾稀年當餐憶遠征意與飛雲帝

君為簪紱羈還念萊衣旋

我母苦多疾奉饋甘辛勤凌晨起縫紉不得須臾寧

忽听河洲鳥諧鳴在園樵

兒女俱穉齡念父空秋春相望久河嶧恨無隻飛翎
日夕占燈鵲旋軫當勿停

右擬兒寄三章七六句

書大荆驛

朝策湘陰騎蒼茫江樹烟脩途力不任停驂古道邊
秋露泣寒螿空山響哀猿雞鳴復登車仰見星斗懸
王事亦靡盬倭遲亮當然不聞王子慙驅馬九折泉

孝感縣

雲夢一丸地停車孝感城烟火僅百堵旦夕聞江声
早澇相交加荆扉已頽傾不毛同塞北苦賦愁繁征
村樹寒雲結沙洲群鳥橫傷哉鴻雁咏誰是勞來人

望君山

高峰鬱嵯峨矗々難躋攀我來岳陽城竚望開心顏
水光天浩淼岑勢石岷岩藉此柱中流庶以迴狂瀾
嗟哉三楚俗未消詛盟頑地若設此險毋令滋纒綿
持節皇華使祛鄙醇可還鑒此峻拔姿啓我回斡權
芳風在漸染誰令功不刊

清明日寓潯州寄邢侍御

東望銅鼓灘西臨斷藤峽停驂潯水上聊酬禁烟節
與子共王事笑語每隔越長吟看雲飛舞劍更杯酌
嶺粵天一涯旦暮聊自適寄語柱下史此時意何若

辰溪觀石鐘鼓

溯流上辰溪舴艋驚迴湍急雨狂飈後停驂古縣邊
空庭白鳥過蒼嶺暝雲還已聞鐘鼓洞未扣鬱藍天
凌晨出山郭旭日明層巔嘉樹競展媚空翠互盤旋
冠裳苦拘束玩賞欣躋攀笑語恣探討步武窮幽玄
鑿方擅茲勝造化若為偏

過慈利賀令乞詩題壁

山勢重霄迥遙瞻僅翠微澗瀑轟霆起豁雲逐日飛
綺霞開匹錦綉嶺展脩旂燕子岩名古慈風洞石歌
幻出芙蓉秀高將泰岱齊我已山行慣旋來楚服西
但知探勝賞曾無履險危知章有佳興題柱屬游羈

書孫黃驛

驅車涉初秋作客已萬里山霖苦偏多飛帆一何駛
驚風常颯々低枝覺靡々欲穿五開雲先汎九谿艤
王事屬鞅掌病軀念料理但愁溽暑迫捲簾看急雨
題三浯水

得到浯溪流遙瞻牛耳嶺綵雲常覆護清泚自涵映
地靈頗鍾異冬溫夏復冷滄海一潮汐此水三旋軫
消盈從何始終古竟不系旅人藉甘飲居民得耕蔭
慈陽粵名區浯溪據其勝胡不遺中土竟爾滯西境
瑤樹相森羅香泉復滂噴吾為發幽潛芳声足後憑

楓木嶺

驅車凌絕巘朔風捲平原天空忽唳鶴晝靜競啼猿
撐石森劔戟盤徑費攀援楚南聯粵徼冬序堙北垣
歡掌畫禹服辛勤奉堯言憫茲瘡痍境曠彼虎豹閔
行々何所願攷々勤為宣浩蕩從此沛帝澤弥百蠻

推天坡

舊名退田坡不知何人改今名
言涉之手可推天表其高也

楚岫插雲表邈迤還隆崇瞻此山之脊坡陀紛蒙茸
冷澗漱竦石危磴起喬松手可摘星辰足若凌太空
五嶽入眉睫萬象指顧中獨立對斜曛儵然駕天風

楚中夜行馳馬四十里宿祖師廟有作

日落途尚遙策馬騁脩陸燎遠知蠻村投暗任履蹙
斗光搖劍精南嶽浮神燭涼風吹我衣駕乘屢躑躅
緬懷宇宙廣何事此役々俄然珠宮啓蕭々幾椽屋
松枝偃庭隅明月生東麓仙宮鸞鶴來應憫塵中躅
掃榻臥白雲一笑浮生皓

行路難歎

二月發薊門三月放淮槎四月臨江漢五月馳湘車
雲山何遼邈風雨相交加途窮阮籍慨路阻王陽嗟
嘗聞九節杖挾之凌青霞仙人王子喬乘鸞上瑤池
我欲招大鵬扶搖隨所如

送仲兄北上五章

垂髫共師友抗志窺典墳仲兄挺英姿能讀先秦文
壯懷耻章句大道當年聞學成對丹陛高名勒青雲
辟彼江潭鯉一朝雷尾焚服官粉署郎奉使河東軍
妖氛一時掃佳譽鳴人群

其二

公程旣夙夜便道回東輪冠裳拜親闈承歡藹氤氲
封章荷重錫上壽當初春殷勤游子意燦爛斑衣情
羨彼千秣鶴怡此高堂人子心良已適抹馬朝明宸

其三

嗟予日荒落相隔匪朝昏少時薄管晏忽已負壯心
東臯荷鉏罷抱彼無弦琴靜觀萬物理興到歌北岑
幽禽鳴綺樹皎月照素食弟本同繫匏兄乃獲南金
妾蛇鷓鴣行樹立期徽音

其四

相送江之干有酒且為懽丈夫四海志豈作鷓鴣安
行々翔天闕吾得垂綸竿廟廊與山林斯情不殊觀
非彼經濟猷猷畝何由全臯夔震帝力耕鑿衆志傳

其五

燕市多豪俊驕馬趨承明耿々籌時略仰助泰階平
出身事明主所建當鏗鉤勳名垂汗史聲價隆秋旻
願言各努力無負平生心但咏鵲鷓詩不覺傷吾情

烟雨樓

采真乘暇日境與心相投蒼茫一泓水登眺水中樓
問樓何所成郡伯踵前猷創始景陵王閱歲徒荒丘

市渠濬闕土積累漸廣袤屹然構飛棟煥若雲霞浮
經理屬匠手廢興良有由冠蓋每接軫問俗秉清秋
長溪渺烟樹禾黍盈郊疇載酒相遇從吳歛間清謳
熙々田野樂瘡痍亮能瘳對景助觀化省俗匪浪游

過沈石山文湖書院

重湖夾平疇波光涵太虛獨立一俯仰萬象歸庭除
中有隱君子抗志焚銀魚結構臨浩淼心與閒雲俱
我來及春霽陽和溢橐區四望麗景饒相對歡情舒
忽尔風雨集怒濤如山驅談笑未終席葱菁仍扶踈
景物有變幻吾心常晏如

登靈岩無際塔

舍利何崔嵬雲霄接其表登眺四望空乾坤一何小
日出扶桑淡恍惚見蓬島千峯散拳石洞庭僅浮沼
願為八極游乘風破杳渺

題西湖圖

湖山高入雲湖水平於掌花鳥弄春姿芳辰愜幽賞
境止心自澄神閑氣俱爽空林據佳勝遂初尋獨往
朝隨麈鹿遊脩猷鮮羈網月明下西子不作吳宮想

淨慈寺山閣

南屏佳勝處傑閣麗重霄流雲拂層岑登眺歷岩崑
笙歌起湖上無奈風塵驕握麈對青林煩暑悠然銷
兩峰爭嵯峨空翠當簷飄輕雷動天陰洒雨摧尖歎
舉盃待明月烟波映歸橈

登南高峯

鬱崔湖上峯沉深互幽徑捫蘿挾飛仙盤躡陟其峻
更上凌霄塔拾級藉扶憑俯視何蒼茫倒景象逾勝
長江僅若帶重湖暎葱蒨但聞風蕭蕭飛鳥互盤迅
足力不知疲頗慰歷覽興險阻吾已諳夕陽意難竟

和甘泉翁遊朱明洞作

勝遊開南徼積翠噴鳴泉哲人從茲遊何如子在川

至道常灑落飛鳥登洞天英髦相追隨吟嘯衝碧烟
朱陽此磅礴凌厲成孤寒遊神造化區冥契無始前
願言啓鈍姿豁爾超層巔

荅陳侍御

掛冠卧林石瀟洒薜蘿衣忽枉雙青鳥言從八閩飛
緘辭何委宛藉以挹餘輝悠哉寥廓懷徒有名山期
君能振韶濩我愧知音希鴻冥絕青霄鷗狎已忘機
菴蘭蒔青松登巔仍沿溪相望各千里素心要同歸

荅贈蔡白石比部四首

北風吹零雨蕭瑟無歡顏故人有佳音遺我雙飛翰
開緘明月珠苑々芳叢蘭對之更歡笑歌声繞梁間
不意嚴霜晨乃得窺春妍

其二

憶昔鳴珂時萬里黃金臺輝光動列宿轉眄成風雷
終軍起南服才華動九垓本抱神仙姿凌厲游蓬萊
搖筆一揮灑曲士驕顏摧

其三

蔓草滿中野桂樹何蕭々鸞鳳非世姿挫光掩瓊瑤
終當抗風塵陰翳豈能銷黃初去千載君獨秉扶搖
不有蔡中郎安能起風騷

其四

玄朔盛霜霰披褐棲幽岑出門眺四野惟見悲風吟
願子矯健翼高步金馬門遺榮雖可矜吾道何由行
飛沉各有意君當諒予心

客過

積雨得新霽清風拂池塘披襟步芳徑有客來朝航
示我雙龍劍拂拭生輝光銳志慕古道揮手却塵鞅
予抱烟霞癖理釣滄洲旁與子結綢繆揚旌遡虞唐
良辰樂山水談笑情俱忘

泖塔

探竒問雲水孤高泖中塔攬衣一登眺浩蕩風浪濶
千帆過簷下萬木森隅隙烟合臺殿濛日照海天豁
俯睇極泱泱神游向冥漠飄然立長空頓覺宇宙窄
長懷琴高鯉緬想王喬鶴六合為藩籠吾生安束縛
願乘培風羽去々翔寥廓

紀游

浩々天地寬人心何限隔水火膠中腸康莊蔓荆棘
達人負天游御風杳無跡翩々揚霓旌矯々抗修翼
朝登海上峰暮挂吳門席皎月映寒潭柴門見高格
玄談契幽懷良晤復真率舟依鷗鷺清杯泛藻芹碧

靜夜移鴻郎，冷露沾衣濕。悠然向前川，令人坐相憶。
法相寺觀佛牙

夜宿湖上月，披曉拾幽境。林際濛烟嵐，空山度孤磬。
深篁響法鼓，盤迴得松蔭。來登般若堂，皈依衆紛競。
山川融灑氣，顯此兜率蘊。四大雖假合，萬劫同一瞬。
住世倏火風，寂照無久近。始知金仙妙，不逐流浪陣。
梵牙晝生光，卓錫石泉噴。四顧峰崔嵬，俯檻得真靜。
勝因了可悟，一徹水月鏡。

棄兒謠

夜泊郡城闈，饑兒啼霜月。口呼爺與娘，淚尽眼流血。

問兒兒不言，傍人代為說。歲凶爺娘棄兒，將填溝壑。
不覺傷我心，仰天為嗚咽。骨肉豈不思，一旦忍決絕。
吾將何所尤，無乃王政缺。顛連在草莽，堂皇隔深闈。
城頭烏啞，樹底風淅，夜久人語靜，秉燭坐脉脉。
安從訴穹蒼，常令歲豐足。

示友生

陳克錫云：此詩陌月眉眉華語韻並用未詳

射干凌青霄，所貴得其附。羨尔瓊瑤姿，乃是三珠樹。
負篋輕百里，來向秦溪路。翩然叩我廬，期志在千古。
枉問荷子勤，增卑謬予取。理義若牛毛，簡編競旁午。
春風入吾室，明月照吾祀。觀物在自得，一笑通本始。

閩西五千文執戟十萬字虞庭詔精一悟來當誰致
辟彼綺園花根固枝自庇歲月不尔待兢。慎所企
勉學。

金從千鍊精水合百川盛所以下惟子探討日夕并
名理載五車幽踪掩三徑螢囊明可借牛衣勿嫌困
相從慙絳帳雅有過庭訓買犢勿還珠群奴折諸聖
古來名世英辛苦致達命稽古非期榮希賢在日競
卓哉青年士進修毋任運

病目

目病心不病外累何足驚瘳目不瘳心妄形將安成
出與世相左退食身為畊方寸常炯炯瞑坐足長吟
詩書付後人田園聊此生

和甘泉翁五色鳥之作

有鳥振毛羽翮。弄芳春輝然爛五采鳴聲諧八音
問鳥若為異由翁感之神得氣禽應先脩德物乃馴
不見虞庭鳳來儀感帝仁

荅徐兩山

相識餘十載金臺歡會初高情薄雲漢雄才軼寰區
期君樹壯猷蹀躞騰天衢予已脫塵鞅抱拙日居諸
游神在五岳妄意探三餘寧有宦遠想但願棲田廬

一犁足春雨把卷声伊吾念君中林情交誼庶不渝
安得真神丹報君以霞裾

贈錢生慎夫

暄谷鳴幽鳥薰風滿池塘長吟對高樹之子來我傍
抗言談今古厲志追虞唐寸心吐白壁爛然生輝光
宛彼梧岡鳳終當儀朝陽斯理貴自得受助了無方
撫景玩芳華觀化意已忘閒雲澹徘徊晚時相將
勉旃慎所趨與子遙相望

長興韋南茗寄詩邀入社賦荅

茗中秀山水不與俗境通夙昔晤君子片言未及終
明月東方生分袂何匆匆言念芝蘭侶延眺未能從
忽見青鳥下翩跹銜詩筒君登騷雅壇安事推愚侗
千畝有大業能無覲芳踪鄙人甕牖居似甍抱五窮
卓彼絕世姿高翔在東廣皎々開群蒙屢書招我往
仰君夙同門相期共蘭漿羅浮四時春朱明千古響
夜月澄清潭芙蓉削高掌並跨五采虹少舒十年想

問仙吟荅馮祐山給諫有引。

卓小仙者弭上陽蓬跣藍屨行游人間頗言人禍
福問之即不荅遺之不受画梅題詩能左右手所
至人爭事之一日諸友生邀詣予指予有仙骨期

為五岳游予固未暇也祐山聞而詩問為聊此賦
答

世傳昇仙傳似秉靈異質庸俗妄覬念謂可倖以得
玄機昔未契焉能徒手襲但怪曜靈促再中歎無術
顧揮魯陽戈蒙汜竟淪沒翩上卓道人稍能破拘執
不擲復不履世緣鮮所溺招予汗漫游導予契雲笈
三沙養圓神九還丹可吸予疑夸毗流叢桂恣誕譎
東臯自可耕何必芝田粒况乃係網常先民有遺則
古今一旦暮仙凡何限隔大椿與殤子吾生任翕關
明德以相勗曷為枉白日

此詩與律賦同並用

示久卿發子

子年踰弱冠蜚聲在泮宮緬維弧矢懸初生期英雄
丈夫志四海豈徒埋垣墉三秋晦鵬翼銳志窺鴻濛
一劍足揮霍奮躍屠隻龍我忝侍從臣事主慙無功
顧尔現頭角赫然振高風

贈程紫峯

紫陽山上石紫陽山下水石高碧嵯峩水深作霖雨
中有隱士居山林遠朝市閒窓鎖白雲混迹儔賈侶
何如猗頓賢還同計然美積累操廣平無心涉塵滓
去來任浮游寄興無牽係

題宋賓廬墓卷。

試問廬墓心為名還為親名如飄風翔親乃吾天真
跪乳與反哺物微情獨殷嗟哉宇宙間何從有此身
不及娛春暉敢忘泉下人平生季路恨終天抱酸辛
悲風吹松楸灑涕沾衣巾

宿聞亳州北山雲庄

天柱兩峯矗幽人睠此山關園踞東麓留雲掩書閤
看竹時携杖移花曉傍欄層陰互松檜斜日伴虛閒
蔣徑無拘礙羊求得往還談玄忘尔我下榻借松杉
暑淡日泉勝情幽覺地偏暝入情無已杯傳意自懽
平泉徒往迹金谷竟塵詮尔已遺簪紱惟知種秫田
多君追古調不異習池仙

和長松令君韻

高懷徹秋旻制行可享神六載勤撫字鳴雞整冠紳
肅然坐堂皇政理愜群情清操勵素絲造士歌采蘋
欽此金玉潔念每切綏氓閭里足休養鷗運未逢辰
潛觀造化理蠖屈必龍伸賢達在展蘊久暫如旋輪
風雲會有際終當佐承明莫謂三冬汜臘後乃芳春

寄邢陽川侍御

殘暑已漸退皎月明清殊溪邊携釣艇忽念昔時游

吐辭凌泰岱托興起恒流連鑣馳萬里日夕相笑酬
忽口歎分手年來懷百憂幽忱孰與吐良朋遠難投
念君其遠雄略胡乃歛芳猷朝家急才諳行將駕襜輶
予拙甘息影逃虛東海取期君建鴻伐霖雨徧九州
贈劉竹泉乃李師吉請之

園林鳴倉庚淑氣密為催有美臨我室問字相日依
徜徉步溪畔脩竹臨漣漪向我願有乞劉君磊砢姿
揮霍氣凌漢談笑自瑰竒倘得當一隊豎立如風披
千古稱頗牧彼乃當其時桓桓劉將軍閑居鬱不舒
蒼筠結為友益與泉相宜日披七略篇幽哦竹邊題
遐哉志不泯奈無揮戈期予嗟天賦才寧令無所施
今且六月息還當奮天池丈夫事四方願且徐觀之
送人之齊雲巖

宇內有名山凌厲雲霄半秀結香爐峯高岑過飛雁
神駢蒞玄武九天降仙仗奔趨動四方國家荷庥貺
韜香走道岐精裊翕瞻仰一伸祈求禱輝煌如盼響
吾聞潮音洞大士示靈幻睠此白岳峯玄祇顯真相
殆鍾天地秀默示鬼神變爾去乘春風慙勤策車輶

陳高卿十丈樓

三伏吳中兩一帆江上舟來親道誼友因得上岑樓

俯覽山川槩仰摩河漢流還疑真宰妬故遣風烟稠
吳楚望未了嵐氣相沉浮忽見璇霄鶴飛鳴天際頭
人心凌太虛豈僅一椽留羨君懷寶玦光芒射斗牛

松雲閣

偶緣逍遙遊來上松雲閣雲瑣碧潭寒松盤覆幽壑
儵然物外觀得解風塵得意定心不住神游興無著
一笑凌太虛萬象歸圓覺

贈友人

春風嗟人寰隨地借顏色怡此方寸心包羅含太極
宇宙浩無際陰陽運為則四序自流轉萬象從芳馥

卓哉青雲傳精采生肘腋散作筆底華星辰可注射
芸帙盈窻几拾美付杼織錦成鸞鳳翔乘風奮天翱

對月

幽居愛明月挈杖步庭除金魄舒皓采漸尔揚雲衢
空際歛霜烟枝頭聽鳴鳥冉々當午夜不知宵半餘
重輪爛五色繽紛現天區灑氣徹四表弥空揚彩波
清興倘不殷何由覩神腴頌景還惕衷消長在須臾
良時豈能久恒當惜居楮盈虛本互值所期光不渝

題李密圖

卓哉李令伯狗孝乞歸身不顧三旌寵惟求一日伸

慚絕太真裾喜迴王陽輪千古陳情表猶能覺世人
為潘子酬西賓

潘君亦洵美袖携白團扇為乞竹枝辭俾贈青雲彥
贈之意若何有子才懸河每就臯皮講如遊春風窩
探玄四聖典摘文七星羅匪立程門雪胡登洙泗途
懷此緇衣好猶慙觴巨螺一握以為情長言以當歌
斯文不盡意聊藉此吟哦

示前峰上人

看山阻風濤偶結空門緣明日升東林借榻禪房偏
鐘聲表客至暮若騰寒烟老衲前致詞願乞前峯篇
天目亘地脉遙々蒼龍騫牕前翠萬叠總是須彌觀
達磨曾度葦南來啓禪詮獨悟真空理面壁踰十年
汝能為彼後彼即為汝前峰々涵妙理悟處當超然

四言詩附

題明山

沅沙之麓有山峨々層巒千叠仰發九華覆壓百里
盤繞左區標之以明值世亨嘉

溯古啓疆龍標窮遐郡以黔開置邑曰麻荆棘足剪
魑魅潛驅俯奠坤軸上燭斗樞

睽我皇明六合一家日月輝朗民物無譁南帶交廣

西連瀘巴此山巍如亘於窮涯
朝暘煦映若披錦霞物產駢羅群蠻萃依國有秩功
望祀歲加於惟明山作鎮楚

明山四章章八句

海石先生詩集卷之一終

錢海石先生詩集卷之二

七言古詩

江行見兩岼諸山如舞代東陽川侍御

瀕江桂楫掉歌催暫解塵氛授酒杯忽觀葱菁環兩
岼誰招山色入簾來怪哉江水不東向潺湲南瀉蒼
梧臺使君何日柳州駕吊古懷賢獨相詫我欲生翼
從君游山川環隔安能跨楚粵長途幾千里碧梧翠
竹夾江泥早見垂一樹白知是嶺梅先放蕊安得
折來與君賞醉舞浩歌月初上金壘相勸不知盡勝
地韶光兩相並悠然一笑忽下簾星槎猶滯羅田隈

抵陽朔有作代東西石侍御

履新七日灘江征采鷁已指陽朔城迴巒疊嶂視無
路忽然一轉溪途明鯨甲狼狽雜金鼓蠻氣蜃霧昏
山程峰上何所見咆哮猛虎如掣電江外何所聞四
野悽愴哀猿鳴此亦皇圖入國籍毒瘴絕險何愁人
觀風萬里乘槎客露冕行春消劍戟春風嘘之俗自
醇喜見梅花驕雪白漁簟舉網得魚烹樵父刈薪坐
雲碧吁嗟人生在自得天南地北奚足惜政行民化
乃可慰綵毫縱揮怡所夕萬象昭回屬匠手墨池落
花浮琥珀我欲報之愧瓊瑤對景舒詞達胸臆

壽周運坡封翁

澱湖之中萬頃蓮澱湖之上棲神仙薰風一棹採蓮去
燁然五色生雲烟手招安期東海邊口授仙籙書一
編黃金作鼎丹滿鉉壽與天地同綿延我來采風拜
堂前公揮白羽心悠然髮綠顏頰蓮比肩湖光蓮色
香翩。疑與太華根相連雨露恩承尺五天紅葩翠藟
多後賢瑤池奕葉成大年

贈黃海波

我知黃子意氣豪千金一揮等鴻毛俯仰乾坤誦今
古藜閣不怕焚蘭膏挾策風塵璞未剖時。筆底生

雲濤李廣數奇竟難偶日迷五色誰為招驥困鹽車
鳳雁網吾也為尔空鬱陶海波子休泣玉南山南北
山北何處無茆堪結屋英雄回首即神仙胡用區區
學干祿

東馬兗州馬舊為侍御

馬戾翫體臺中史手持白簡搖殿祀封題時奏大明
宮一麾出守縮朱紫憶昔任城邂逅間握手春風意
無淡我今去作西楚遊借道東蒙君更喜駝峰作腊
白玉壺相對歡然道知己白日西傾揮魯戈舉燭華
堂照蘭芷泗濱父老向我言冰蘖独餐世無比願得
寇君常借郡黃童白叟皆依倚我知馬戾饒治才淮
陽高卧無難理內臺五馬寧蹉跎朱輪露冕百城特
回首東方佳氣高海岱行看政聲起

和諸生夜游飛雲巔作

朋游興不極雅有塵外心行々日已暮暝烟起孤岑
即看碧月澗瑶穹極目滄溟托遠跡自喜齋居傍林
谷况逢夜色媚長空脩々松檜路邊影莽々烟雲足
下岑徙倚千岩成浩瀚鐘声忽尔來林半回知人世
有代謝不異晦明迭更換回看北斗行復低月輪恍
惚過墻西願尔乘風生羽翼翱翔寥廓無卑棲

和甘泉翁馬蹶濡裳

策馬凌風恣蹀躞不虞岐險乃遭蹶泥塗偶逢勢難
越衣裳顛倒無滅裂恬然和易忘所嗔內持豈至驚
吾神始知齊遇在定力百感皆偽存其真

荅馮祐山倭變之作

五月顛風聞海腥連濤山立騰妖氛烟烽一夕盡化
赤羽檄旁午馳紛紜驕將提兵浪趨走步武不知有
前後短戈鈍甲始一騁千人自廢同拉朽聖人御極
天下寧百年安枕歌昇平豈知毒霧驟昏塞出奇奏
績何人能憶昔文皇定燕鼎沙漠三犁始旋軫當時
鱗翼皆孫吳天声如雷八方淨由來世治抑武功疆
場罷戰同文風海堤如虹亘千里么麼突起防禦空
國家人材豈昇昔英雄草莽在拔識轅門授鉞運奇
謀風馳電激鯨鯢泣堯舜垂裳握天柄忠義素培人
自奮江潭把釣屬吾曹會見凌烟表英俊

十六日得雪

秦溪臘月六尺飛空中片_七梨花_垂誰使同雲黯不
散乾坤一夜生春輝人間和氣動憔悴化工剖玉為
豐瑞宵光忽皎千林寒龍叫空潭泣山魅四望灑淅
銀河傾天地滉漾如水晶應有仙人披鶴氅瑤臺騎

鹿明長庚

暑游

赤日當空弄扁舟
柳風吹面蒼烟浮
潺湲一曲自清泚
誰能伴我林壑幽
人間豪華已謝却
紛々車鞅非吾儔
東海安期駕赤虎
流沙老子騎青牛
逡巡向前揖同調
揮塵一笑雲駢流
北窓羲皇且高卧
南山白石空歌謳
鞭擲蓬萊似拳石
叱翻湖海如片漚
乾坤萬象任揮霍
歸夢只在秦溪頭

竹林七賢圖歌

竹林七子人中豪
逸氣千古凌雲霄
誰人想像來筆

底淇園會飲風滿七山公
持衡多俊髦雅度自薄秋
曼高步兵清狂醉中厨
阿咸相追稱同調劉伶荷插時呼醪
不辭千載真一朝向秀樂與漆園伍
嵇生白逃蓬蒿独嗟鑽核斲
一李牙籌握筭空勞々當時共醉孰軒輕
歲晏改操寧堪嘲展圖鑒別如在
眼世上名利真秋毫銅駝金馬掩棘底
鴻冥在昔安可招
題孟醫士蘭軒。

我愛溪邊姑射仙
藝蘭九畹蔚江烟
竹軒雲榭多古色
几上但置軒岐篇
入坐看蘭花熒々
枝枝綽約當風前
閑情暗引幽人思
馥氣并消三伏炎
安得將蘭

鬱如雲葉敷花蔓清人心我有蘭心與誰說相親但有空林月

贈老醫郭西白

蒼顏老翁岐黃家淵源趙宋傳芳華入山採藥遇仙子歸來散作春無涯秦溪溪旁人幾姓倒屣相迎迓相聘癯然重聽未足強開囊能奪天公柄薰風携杖來草堂青荷翠柳繞隄盛此翁能灑天露漿不愁少陵抱肺病

荅馮祐山邊警之作

薊門八月驕虜來旄頭星高邊地危戎車經時委蔓草長城一日飛黃埃材官都護盡齏粉豺狼奔突驅轟雷夜半隄然薄都下前無橫壘相撐拄天王日坐齋宮裏此時怒赫司馬摧六軍歆奮丞相喚霸上兒戲真堪哀陣雲決滂蔽不開徒令遺鏃積重圍甘泉烽火明於晝三輔健馬成虺隤獨仗彼蒼厥群醜兩驅風掃胡自走黃金臺高易水寒北望遙々重回首

午日贈史望川

月向蕤賓日之五炎歊杜門懸艾虎有客軒然來卓午欲歸越棹迂辭我秦溪嬾翁出醅醕泛蒲下榻相歡語一樽不空案角黍偕君且散閒中緒三閭屈子

沉湘滸懷才不逢悲千古君腹便便飽如許秋來桂
籍寧遺汝忘言相對涼風舉君心自是冰壺聚千里
長途不受暑

贈侯汝志

寶劍未遇光射斗騏驎伏櫪氣空吼從來逸調多風
塵一時且袖英雄手侯生遙泛西江船志凌千仞匡
廬山忽到秦溪來問字自憐偃蹇悲紅顏凌霄孤鶴
摧泥滓頽然且伏雞群裏養成羽翮待秋風看尔扶
搖九萬里

答仇生

赤雲驕日愁崢嶸錦箋相投情媿快讀頓令消煩
襟颯、清風動毫楮欲避炎蒸苦無地我獨冷然不
知暑太虛為室神為翰還乘明月八極游龍庭寒色
當窻見雪山玉柱何盈昨豈與塵氛角羸雜胡床獨
坐心悠々

題談醫士後山

後山山高不尋丈矗立群峰如視掌截來五岳青芙
蓉巧奪天工闢竒爽南湖千頃當其前烟雲微茫波
滉漾朝來看山蒼翠浮白玉瑯玕坐相向庭前靈苗
葉已抽架上青囊人共賞有時舒指出震秘病者立

起春意盍乃知後山多雨露
尽在君家藥籠上

示朝卿從子

吾家阿咸好文墨時
筆底生風雷欲問揚雲識
竒字肯讓鄴下八斗才
即今天閑求汗血好趁春風踏
明月嫦娥翠袖相笑迎
玉皇侍史親唱名一聲
錢曙日大明但見足下五雲生

監利道中宿聶裡家有感

問尔聶裡何生理種穀十畝水渴死
客來茶竈生寒烟念我王人進雞黍
但聞獵屋上風且向燈前讀古史
漢家歲終每問俗今也楚燕隔萬里
凌晨秣馬出門去直北遙見五雲起

贈蒼松和尚

三塔老禪蒼松顏嵯峨瘦骨如秋山
飛錫借地龍潭灣幽窻寂心常閒
焚修梵行傾塵寰予問蒼松高坐
何緣達磨西游去不還了無一法傳
人間蒼松高坐白雲端一聲清磬醒
愚頑大千遍洒甘露寒

題星山子

吾聞羅浮浮海駐東粵又聞鷲峰飛來
蠹勾吳太虛灑氣燦列宿胡乃忽墮
三江隅豈是女媧煉石補天漏飄灑
餘礫沿迴溪或為張騫乘槎去霄漢
載得天

上餘支機吁嗟乎群生紛々多顛愚天昌禧運吳越
區故遣星文明姑蘇

鼓吹行贈邑令壺陽鄭大夫

莆陽才子藍田壁扶搖早歲搏鸞翼銅符小試東海
邦甲兵數萬羅胷臆虛懷下士詢所長勤々求治日
不違宏詞縱筆驅三峽厲操潔白如秋霜邇來涖治
纒五月狙獷竭至逞焚劫材官千群赴他調獨抗孤
城力不怯孤城憑海勢莫支海夷登陸真可危事機
盤錯成掣肘分別利器恒於斯大夫旦夕勤并撤獎
率士民無敢後短衣乘障不憚勞倣情懲頑更善誘

縱金擊析號令嚴通宵常視斗杓懸糗糧山積先事
備戈矛日輝智勇兼敵臺憑陵大夫畫四面覘敵難
伏盤如虎撐牙鷁展翅遠攻近禦勢已全狡賊熟耽
不敢向歛跡潛遁妖鋒殲海陬天日復輝朗金湯無
恙功不刊築城息盜河陰令晉陽保障名尤盛古今
豪雋心本同國計蒼生俱倚命孰謂大夫儒者流撫
時戡難文武優孰謂大夫筮仕日老成練達多奇謀
全城豈但完一壁浙西列郡隄防立瀚海鯨鯢似涸
魚山林虎豹俱辟易賢志籍々徹西臺褒章赫奕旌
兼才循良從此易展布烹鮮製錦無難裁大夫自是

公輔器躋華陟要旋三台漢唐紀功有戎樂鼓吹奏
凱昭將來野夫抱病卧烟蘿喜見安堵成謳歌口碑
自足垂千古永奠滄海毋揚波

乍浦行

癸丑五月初九日倭奴陷乍浦城死者無筭聞而
悼之

腥風突起吹海陌破浪忽擁千雄賊虎狼為群爭噬
人一旦城摧天地黑平時官軍氣彪猛此日鼠奔皆
落魄縱橫積屍血漂城少婦如花死不得烏嘴銃與
佛郎機賊艘滿載助梟逆風為吼兮兩婁口山川無
色鬼啾唧憶昔築城信國公金湯百雉黔黎力築者
何堅守者推肉食之徒計誠拙天朝衛民恃此城嗚
呼城兮曷足憑

夢仙行

天上神仙十二樓瓊枝瑤艸滿芳丘耳聞常自意恍
惚誰知一朝成夢游初來弄笛洞庭秋白雲如蓋從
東流六鰲倒足三山立碧玉樓臺瑞彩浮五湖七澤
渺在下蓬萊方壺乘朱螺黃鶴為駕騫以紫駟鸚鵡
為我杯鸛鶴為我裘瀚海為酒兮南山為羞東皇春
色明遐陬仙人繽紛相勸酬鳳笙龍吹連清謳須臾

黯淡不辨色，洵如听洪濤。秋覺來尚見，餘景在茫
茫。濁世寧堪留，便當揮手却塵鞅。獨攜藤蓑與藜杖，
日弄滄江流。

洞庭行。

洞庭湖山久無主，我來清嘯雲烟開。波濤浩淼相盪
瀟，西山盤亘中縈迴。長風東吹拂船尾，挂帆頃刻旋
湖隈。村翁喜我至，長銜摘取嶺上梅。漁父喜我至，金鱗
觸網藏筍回。老衲喜我至，開尊為洗厨中罍。江南如
雲豈乏士，多指朝市為蓬萊。群峰森白雲，揜黃葉
委積成荒臺。我今乘風躡雙屐，芙蓉萬疊洗青苔。石
壁高懸何崔嵬，支硎石公相徘徊。朝生旭日霞燦爛，
夕漾明月無纖埃。幽林淺黛與不可極，對此安得犹
停盃。人間萬事俱恍惚，惟有青山常伴客。相期更買
陽羨田，開眼湖光并山色。

溪頭行為繆思雲作

溪頭笋鱖肥，忽聽林鶯啼。花間喚醒華胥夢，茆茨剝
有清風吹。旭日啣窓聊舉步，細草幽香逐溪路。却憐
溪畔有詩人，日接諸生豈浮慕。飽甘苜蓿心无愁，對
客逸興凌丹丘。拈來忽有江淹筆，賦就俄看王粲樓。
欄邊芍藥纔翻露，灼灼紅霞蜂蝶妬。青絲絡酒過墻

頭為我開尊海天暮接羅佳句李白傳笑呼明月不
費錢蓬島招邀羨門仙駕驂鶴馭何翻、無論清聖
與濁賢醉鄉共結烟霞緣玩賞風花樂有年

蒼鷹行送鄧文巖

蒼鷹雄厲孰可當霜崖獨立鉤距銜秋風扶搖劍翮
輕青天萬里高飛翔金眸閃爍狐兔伏玉斃槎枿人
共燭閩南鄧君八面才意氣凌霄鷹展足香山曾試
羽毛奇更向吳南揚俊躅海邦寇突來腥風俎豆折
衝何所屬侯來視篆聊臥理風清日朗寇自蹙誰描
此圖匹鴻鵠行飛負天百鳥肅

雅溪行

鴛鴦之湖千萬頃派出天目何縱橫迢遙飛瀆走林
麓神龍百恠相支撐由拳城南匯雙渚晴日隱、波
光明溪邊主人自雅士結得菡堂抱湖沆烟波釣艇
漫垂綸日暮得魚呼婦烹放歌擊缶相應和林樾颯
沓松風聲白鶴為之舞碧雲為之停人生有形貴自
適何須泥滓久勞役紫芝眉宇世不逢吾意此君堪
彷彿有時花下開金尊庭外花枝相笑迎爛醉為哥
雅溪行贈君愧似雙南金

春色行贈李師吉

東風一夜吹芳陌萬卉含嬌忽增色林塘自是迴春
姿點染溪山浩無極章臺小娃來當鑪一盞酒滴紅
珊瑚少年係馬門入手綰青絲白玉壺艷紫妖紅紛
滿路况有佳人對芳樹邯鄲市上鬪繁華壚頭不醉
無歸去須更艷萼隨飄風蛾眉慘淡鴛鴦空冷一水
遶空塘外片一雨濕胭脂紅人生光景忽如此今日
難將昔時比且著春風十回度朱顏逝却同濛泥李
生世曹朱紫裔欲棄韜鈴學文藝寧獨芳菲轉眼空
却憐駒隙隨年逝溪頭偶爾見春陽倚杖高歌綺陌
香試觀造物無常主早奮功名天帝傍

雙鶴歌

雙鶴翩翩立碧苔迥然白雪紛瑤臺意態昂藏何卓
哉朱頂突兀丹霞裁凌風騫翥霄漢來親為拂拭華
軒開仙骨凌勁非凡材時間清唳徹九垓閒庭夜月
常徘徊願侑主人萬壽杯舉翮起舞登蓬萊

吉甫歌

朔風怒號千林掃凍雲翻波暗溟島四顧空濛失顏
色千山黯淡成枯槁豈知造化含至仁東皇嘘春醫
病草百物甲折暫萌芽迴視林臯總熙皞吉甫抱藝
甘歲寒閒來自弄康節九它時得似柳庄子玉階飛

躡青雲端我歌一曲陽春生吉甫養晦誰與京青山
綠水閒留情

寶刀歌贈項少溪

我有昆吾一片鉄蔽之匣內光鋭高迎來結紉出為
佩雙龍吐燄風雷號神物來異常寶斫地恐翻滄溟
濤項君才彥冠江東凌雲健翮磨層空揮毫落帑珠
璣走燁然紫氣成長虹胷中豪華耀五采不异吳鉤
挺赤鋒解而佩之君無歿秋風冀北斬巨鰲倚天夜
使星辰搖君不見邊陲羽書紛駢駁明主負宸咨夔
臯乘時一獻得所遭策勲薄伐功凌霄

血淚歌

四月五日海作妖青天霹靂山走潮千艘蜚賊狐挾
虎萬屯鉄騎慘不驕金緋大將膏鋒鏑黔首奔竄無
路逃端陽五日與六日四郊烟焰連雲高挺槍飛矢
殺氣暗狂夷塞野相招搖秦溪爾時哭声者動地川
原積血成波濤少婦汗鱗觸白刃嬰兒中掣殞蓬蒿
豈無脫奔保首領官軍劫掠多雄梟夜仰來看旋頭色
烟未滅心切誰為奏入明光宮遍撫泥竄甦哀
號

天妃歌

峩々廟貌天妃祠問祠所自人罕知嘗聞青帝司東
土降主東嶽安東陸東嶽行祠乃其故不識何代稱
天妃上元紛然走士女賽神燈火盈海湄雙旌吸虹
霓車馳恍惚震變騰光輝洪濤瀆薄幾千尺來如安
瀾絕鯨鯢于今祀事率鹵莽神祠棄作牧馬陣腥風
忽然吹海立千艘搏浪來駭曳一時豕突幸摧殄父
老歎息皆神為予從海上觀秋濤群黎建廟前致祠
隄見長虹動天末雄風怒浪翻朱旂此方保障藉神
力舉祀食報理所宜願得靈祇常護持海波不動和
風噓

小仙歌

壺公化身上陽子足底乾坤浩無止忽聞來放秦溪
船一見無言予若啓仙厨不沾腥蛄餐赤脚露頂無
寒暑卷虹跨海游蓬萊更翻河漢凌天宇枕中已悟
震寶書鍊鬼能遣三尸去太虛為宅浮雲身灑氣呼
吸窺蒼旻會見瑤臺降金母麟車羽蓋搖霓旌曲罷
雲和日將暮展眼忽閱三千春吾聞靈境非絕遠溪
迴路轉逢仙幘上陽不落世上塵丹洞桃花路傍滿

朱道人歌

九十六齡朱道人江湖滿地空八垠東海狼烽燭山

岳官軍白日搜黃巾道人頭裹一幅布身披鶴氅無
緇塵手握塵尾入城去邏者復作奸細論手桎梏木
囊頭天高不見察日與獄吏儔鳳為臬兮麟為虎仰
視蒼天口難訴誰能脫駮贖石父幸有二義士識彼
為全真一言上乞黃堂仁脫去羅網還陽春且問道
人精氣神能無驚但將胎淪

東泖歌

三江之南泖水流泖水之西高人游泖上草堂鬱古
翠扁舟盡日常不收馮夷水府自神護天然圖畫唯
茲丘越歌詠吳歛滿清夜明月為爾中天留君不見漢

朝子陵釣石瀨芳名宇宙垂千秋東泖得君山水重
君得東泖夫何求况君詩筆美且道片石白雪凌滄
洲東泖之勝莫與儔何時濯纓來泖頭

霜風寒菊歌

有序

嗚呼天壤間以花名者不可億計然幽人貞士弗
貴也顧獨有取于菊離騷與蘭芷並稱淵明亦援
松為配菊始為二君子所重豈非貞心亮節傲霜
霰而固歲寒斯足貴哉若今李孺人范氏矢栢舟
二十餘年白首一心堅如鉄石搖落不困坎壈不
驚悽寒慘烈之後芳聲愈彰是宜與菊共揚芬吐

耀于百世二君子生斯時必欣艷而紀頌之矣予
聞而有感遂為作歌

箕虛風兮五竿清繁霜降兮九鐘鳴兼葭瑟兮半
萎嗟鴛鴦兮忽分飛于寒汀宛彼菊兮舒其英吐素
縞兮含商精抗修幹兮挺立任白露兮夜零康風子
兮得成仙神農帝兮酣延年鐘彼宇宙之正氣兮抱
九秋之貞堅

其二

黃花生兮多風霜風霜拂兮黃花香值風霜兮燦黃
花惟黃花兮傲風霜彼桃李兮卸春叢若蕙若落
秋江嗟濃艷兮須臾嘆飄零兮道旁黃花黃花兮豈
與彼為頡頏我將躡彩虹兮凌天宇邀素娥兮呼青
女薦黃花兮帝所冠羣芳兮昭下土

積雨吟

去秋無禾望春麥麥苗萎死雨不息春波平田潦沒
墻竈突無烟苦薰瘠前村老翁來致詞天何高兮下
民厄六七年灾家蕩掃幻兒賣作江南客老身倚麥
麥已空語塞淚枯血沾臆白日為低雲轉黑又見東
風吹霖

解懷吟

山粟何礪山泉何冽山嵐何鬱山日何熱山猿何哀
山路何折嗟予蒲柳姿際此冒顛越安得係青絲於
太虛駕白雲以為車周游五岳旋軫三塗心忘冰火
安假扇與爐心靡得喪安問險夷區飲瑤池之玉液
握寶鼎之金符萬禩為我春閨苑屬我廬

苦饑謠

田家望秋禾禾熟一回飽不意此憔悴歲暮傷懷抱
低田但稂莠高田已立槁安得遺穗充瓶罌杼袖倚
壁摧如薪東家三日不舉火西隣破甑生層塵兒啼
女哭傷我心况也盜賊方縱橫簷下老翁雪兩鬢自
言生長太平身一從旱蝗食禾稼骨肉淪落多艱辛
安得君心化明燭遍照四野逃亡屋家一帛并一
粟東風噓春生意足

苦旱謠

煮天赤日毒下土焦禾殺稼乾水府黃塵蔽天風高
揚鞭轡声咽河之滸原野龜拆苗將枯老農淚臆後
誰訴蒼天朝來轉湛然纖雲不動飛紅烟四郊若赭
愁焚炎安得天河鳴商羊舞神龍騰空吸五湖散作
郊原三日雨吁嗟自夏迄秋旱未已催租又下度支
部更愁急徵猛於虎

禦夷篇贈羅西泉

朝家養士何紛綸誰為雄傑擅絕倫一朝海蜃吹腥
腥氣健兒束手俱逡巡羅侯當此勇殊絕獲皆直上
見賊嗔先機握算能設伏鼓舞士氣皆起騰紅塵敵
空靡所懾左奮右蹕如流星戈甲光銑耀日月狂夷
一遇皆驚奔郊原靖謐海若寂捷書飛奏騰天閣聞
君自是西粵俠平生許國如葉初為文儒擅身聲華論
兵更喜彈長鉞方來浙右稱循吏復奮英風蹙妖孽
遙聞烽火照甘泉萬馬南來恣起忽漢家推轂倘到
君會見邊庭絕充斥懸知三箭定天山期爾雲臺名

首勒

對雪篇

凝雲曖曖低穹蒼雀喧鳥呼紛周章寒氣陡作若刺
骨飄風驟雪何茫茫依倚傍檻墜階際浙瀝旋舞琪
池塘城中車馬寂不動野曠人跡皆深藏二儀欲合
誰能辨玉山瑤島當空見照耀千門朗素輝晃漾百
雉如匹練党家金帳暖圍春授簡誰當敵梁苑吾愁
窮巷衡門人高臥袁安孰垂盼

東陳希齋方伯

憶昔同榜推聲華崢嶸壯歲氣如霞夙夜服勤競相

勵紛綸踪跡成參差君家材技兩超絕自是神駒恣
騰沓每慙短馭稱同調一騎湖湘歲華隔今來把釣
秦溪邊喜見褰帷到吳越固知風采有奇格玉立方
瞳兼廣額共咨声價重南金果尔功名更輝赫西湖
兩峯揀雲表閭閻萬井車填道昔領郡符今長藩自
是循良口碑在東南巨鎮借鴻猷方岳由來陟樞要
蹇予抱疴東海邊未遑整袂承清談空向溪邊瞻日
表竚聆旌旆還朝端丈夫勲業彌四表麒麟圖画千
秋傳

贈夏子言

忽聞簇々來衙門冠纓濟々皆群英予向秦溪日抱
釣相從無乃非其倫夏生早已破萬卷時々筆底風
雷橫言談慷慨一何壯每會四坐皆心驚竭來相見
呼小友斗間光怪隻龍吼生來丹穴自不群會遇雲
霄奮隻肘生家住向彙龍洲鼓篋來游東海頭英雄
發越自有際且向董幃甘勤修堂々七尺本足恃運
至後步步皆公侯江門烟月且住足竚看冥鴻橫素秋

苦熱

夏初連雨愁濕蒸思得旭日照高林忽然天靄踰浹
旬一望萬里生炎塵坐看庭草已漸槁桔槔声振來

河津墻角柳葉昔森々今乃疎豁無好陰科頭搖篋
尚不足何況攢促多蒼蠅複簷深厦已急喘奈彼破
甕懸衡門束書展簟且高臥汗流漿成了不禁凝輪當
空乾水府極望東海無龍騰仰祝穹蒼閔下土願挽
天河化作霖

題金谷圖

天宇失馭中原昏逐鹿群胡相犄角誰能赤手展經
綸戈甲紛々恣騰躐一時豪俠盡謀身金谷繁華逞
高閣雍容羅綺闥迴春錦帳連雲孰能越珊瑚七尺
盈帑儲火浣千群侍君側九五威權不得施黃金成
谷自逶迤繁絃急管凌清漢樓臺面々連交疏綠珠
自擅專房寵崇朝宴樂無終期孰意多財翻作禍同
歸白首奚云辭一覽畫圖慨零落日中恍見墜樓時

七言聯句附

曾廓齋枉顧秦溪董別駕東谷邀飲乘月泛湖
聯句得三章

賓主東南得勝遊董月華浮動海天秋席含水色瓊
瑤碧戲酒映花芳琥珀浮董簫鼓澄潭起雙鶴雲林
清夜弄扁舟錢浩歌湖上長颺動斗際虹光豁醉眸
曾

其二

迴溪弄碧忽撩人 董 却遇高人訪道真 湖波浴月天
光漾 曾 渚荇牽雲棹影橫 漁火依 隨夾岸 錢 鐘聲
寂 遞幽津 董 不知范蠡扁舟日 曾 似今宵 慙暮春
錢

其三

湖上獲虹似碧波 錢 鏡光隱 接烟蘿 百年交誼江
山在 曾 千里萍踪吳越過 董 月映隔溪看自好人逢
佳景與偏多 錢 濯纓擊楫超塵世 疑是乘槎天上河
曾

錢海石先生詩集卷之三

五言律詩

宜興遲邢陽川侍御二首

寂歷雲山夜 依 月 到城樓 鴉還自語 過雁屢遺聲
北客尚踈問 南征敢計程 坐來清漏斷 何限友生情
其二

楚粵王程迥江湖 客夢勞白邊 驄馬使雲外 九溪舫
景入桐山好 情憐鮑叔高 蕭閒心似水 乘興托吟毫
廣德道中逢王侍御 。

昔為香案吏 同侍聖人前 此日雲山裏 逢君州縣邊

談溪夜月轉別促曙光遄卽驅回雁外猶擬素書傳
五牧舖

問程名五牧渺々白雲鄉水潤稀來鳥風高多去檣
山青知夜雨林老為秋霜獨坐孤蓬晚悠然世趣忘
贈林介山大尹

南國青霄彥翮々意氣同開尊緣興劇揮塵見才雄
日月鳴琴裏江湖飛寫中扁舟明發後期尔駕長風
宜興長至日有感二首

客路依山郭孤踪感令辰初陽動葭管朔氣轉陶鈞
拜舞瞻燕闕驅馳作楚臣遙知掖省客獻壽共楓宸

其二

曙色犹未動嵩趨祝聖明水城寒帶月松塢暗回春
更憶家庭隔尤懷王事櫻乍逢添線日轉展倍閨情
齊山東邢北岡侍御

借榻齊山兩寒旌池口雲寒初驚病骨別久念離群
燈冷禪閣煇吟舒客路勲陽城持節使遙憶自朝昕
秋夜

地僻閑庭寂天高露氣清星光臨戶切月色上簷明
蟲語喧初動烏啼声驟驚生平惟幽賞兀坐忘溪更
吳江夜棹

子夜蓬窗底江雲共眇然漁歌烟樹外野燒石橋邊
雁落蘆花渚人歸野渡船次寥誰共語皎月照高眠

送馬侍御

暫尔投荒去憐君此問津抗言明象簡甘死犯龍鱗
歧路風塵暗維筵感慨新賜環應不遠莫為共沾巾

寶帶橋

一水渺無際平橋接地低蒼烟震澤外落日洞庭西
江晚饒漁笛春溪促馬蹄芙蓉七十二飛影隱虹霓

題陳高卿書樓

空外層樓渺真看玉作梯九峯橫翠迥三泖接天低
祇覺白雲近回看落日齊元龍讀書處夜々有青藜

玉女峰史氏山庄

不盡登臨興攀蘿一過後陰々青薜荔歷々翠芙蓉
徑古苔痕濕山深雲氣重為逢賢地主欲擬結青松

宴集百鶴亭五首

樂隱開三島竒踪寄一椽時間九霄淚常遠四時天
樹蔭漪波藻芳傳碧水蓮相逢盡佳侶緣伴習池仙

其二

偶尔蹇芳杜采閒到薜蘿辭名成大隱得趣屬名阿
園綺堪同調雲和每奏歌相逢幻迹俱昏暝且浮羸

其三

野興若為多梁園此暫過
峯樹元章石枝分瑤島柯
虛窻消俗慮飛棟繞清歌
更愛晴樓月霞光湛碧波

其四

風逗林香細泉縈野翠通
鶯留溪樹綠魚引落花紅
霞外塵心遠樽前逸興同
仙輶如有待清唳好橫空

其五

雙樓倚雲迥孤洞枕潭開
月借簾櫳入春供花鳥來
壺觴歡在藻吟眺屬登臺
安期如可覓撫檻自徘徊

逢呂巾石論德賦贈二首

頻年雲水隔遐思幾徘徊
野寺冠裳合空林爽氣開
雄談銷赤暑夜燭坐溪杯
不盡綢繆意何時擬更陪

其二

佛土宵逾靜携登般若臺
竹送涼風至溪邀明月來
吟歡殘暑歇坐覺夜星迴
莫道相逢易懷君霜鬢催
來賓阻雨有懷邢侍御

何事三江兩空淹百里旌
松聲濕更響野照暗還明
濁漲行人斷春來往事驚
遙見驄馬客應到桂林城

陳原德園亭

曲池沾雨淨芳徑入林幽
坐狎琴樽趣情深今昔遊

微涼生白苧逸思動清秋更憶桃源路真堪避世留
來賓道中立夏先一日

心折盤江道迢々山下輪從行徒弁服入望是來賓
明發剛初夏茲辰惜暮春三年滯粵微不敢畏風塵
逢馬竹湖

馳節江淮日逢君野渡頭雲山天際合風浪日邊浮
尊酒坐深夜兼程向遠州斯文共湖海欲去更為留

大黃江口

江流急於箭風高浪拍天簾開山入坐雲暝雨隨舷
推髻蠻堪駭侏儻語孰傳回看津吏候瞬息過前川

群柯江

路入東甌境猶登萬里舟衣冠無故識耶許總戎儔
壤接夜郎境程踰銅柱秋清風賴相送暫尔思悠々

石門夜發

蕩漾石門舟衝尖入夜浮巖聲尋疊鼓月色帶長流
棹入人應駭開心興獨悠沙邊叢候吏烟樹映層樓
桂林署中有作

萬里來何事驅馳畏簡書邊城看月上春嶺見花初
遠徼頌王曆停驂校國儲經年勞鞅掌日月且居諸

白馬堡

大荒渺無際平南江上旌懷家萬里夢問道幾時程
日映沙隄柳風牽石渚蘅歸期渾未定三嘆水雲橫
書蒼梧署中

而載天南棹兼旬鈎檢賒明庭隔霄漢使節滯荒遐
花鳥同中土雲霞帶遠沙炎方非足慮祇切愧黃麻
中丞蔡公安遠柳侯招飲湖南書院二首

開府仍獲壁中朝屬上才並切緇衣好俄叨倚玉陪
春光迴五嶺禮際盛三槐向來行役久何意接瓊杯

其二

盛世推元老遐方見肅清特煩新斧鉞一奠遠干城

襟期同霽宇談笑仰威名樽俎便蕃日令人意自傾
冒雪觀洛溪磨崖歸而賦之得二首

憶昔中興運磨崖向楚鄖臨溪開碧落絕壁擅人文
斑剝風霜古清冷霰雪紛平生樂披覽寒江亦堪欣

其二

素染欲凝白空山萬木寒星文犹炳朗景仰且盤桓
塵跡堪遺慨高珉尚不刊歸途發長嘯寧惜更游觀
平樂署中晝霧不解

曙陽宜散翳此地獨陰霾暗毒流春澗平隄若陡崖
戈矛風火接鼓角虎狼儕持節無纖補慚予孰可措

蔡中丞柳安遠再邀宴集

南嶺三陽月高情屬酒盃地擁雲山勝春後几席迴
蠻氛看霧捲虞化自風來矚目麒麟閣開圖首上才
九日同楚中諸公登高二首

歲每逢佳節天涯獨滯留今來寒菊榮却泛碧岑秋
野望雲依樹天清雁聚洲登臨無限意樽酒好相酬

其二

故園花始放遊眺向高岑野曠天同眇秋深霜更侵
河山無改色桑梓乍關心得共相歡賞佳辰思不禁

東答柳總戎

洳徑衝泥却陰雲接嶠飛五溪通瀚海九嶺跨蠻碕
征旆侵嵐氣馳車傍夕暉天涯客星眇得借使君輝

歸自慈利登七里祠祠以祀朱梁將武平宋時

嘗顯異運二石一浮江潭一起飛紫雲麓宋
封以侯居人春秋祀甚嚴過者必謁

巨靈神運石傳異鼎祠新起嶺非人力浮濱陡自神
芳名疏國爵時饗薦江蘋語怪吾何意碑題迥不泯

寄許秦山

遊子風塵慣辭燕又入荆征衣帶星月擢楫傍鷓鴣
吊古青山出憂時白髮生知君此時意懷我岳陽城

答陳豹谷太守。

三伏愁中兩孤舟，病裏身蓋簪雲路。杳憶別柳條新，
露冕開淳化封題慰。故人多君千里思，鱗雁得相親。
萃秀亭

徙倚憑虛檻，蕭疎對此亭。澗迴流水淨，牕礙曉雲青。
苔石歌幽徑，輕烟逗野垌。坐深天籟動，直欲逐山靈。

送同年王君歸娶

愛爾青雲彥，芳年入紫宸。標梅天錫罷，婺駕鵲為輪。
劍佩迎花去，驪歌別思頻。鳴笳催画鷁，指日汎南津。
溪上

扶杖石池秋，微涼散客愁。水痕浮掌上，吟屐過沙頭。
賴已擽塵世，惟應拂酒甌。兵戈正騷屑，聊爾解煩憂。
過子陵釣臺二首

炎暑陟崔嵬，登臨興未回。昔人棲隱處，今日大觀開。
把釣寧魚樂，披雲表鳳裁。千山相擁護，夜半客星迴。
其二

登臺一以眺，慷慨意何窮。亂雲遮落日，遠水抱晴空。
長嘯悲棲鳳，沉冥嘆遠鴻。遐想羊裘跡，真堪作釣翁。
鄒和峯侍御貽人面仁果賦謝

百粵饒奇產，遙分念獨深。果驚人作面，仁比物同心。

石芋堪為侶林檎未足任似鍾山海勝寔類園園棧
閑吟

夜來濯枝兩猶吼落梅風溪上閑啼鳥天邊掛斷虹
登臨千里豁吟眺萬緣空東海忘機者無心羨遠鴻
壽西汀兄七十

為羨古稀年幽棲意自便忘機鷗鳥外琢句杜韋先
菊徑香常滿蓬門日更妍却疑安綺輩來共祝華筵

登高

目境將疇豁扶筇一上臺山寒多木落風定覺雲迴
白苧饒詩思黃花勸酒盃歡情殊未極林畔暝鐘催

竹亭

望裏瀟湘景携筇步綠陰天炎忘暑氣意定却塵役
水遠周遭徑觴傳笑語深不留身世念虛檻足長吟
雷古和學憲見秬賦謝五首

憲節凌霄下漁簑帶雨迎長安旧知己海上老躬耕
肯借干旄色思尋簪綬盟素懷高誼在寧復世間情
其二

小隱秦溪曲多君意氣新車停松澗兩杯進竹林春
麗藻懸河湧雄心倚劔頻文章吾志在緣尔得重論
其三

燕臺別曉日秦水晤春風却羨掄材鑑能參造化功
起衰韓吏部薦賈漢吳公東海異才彥知君道濟洪

其四

青尊臨野望欣與故人同不辨浮雲色惟耽白雪工
樹浮烟際碧花放雨餘紅萬品饒春意悠然樂未終

其五

論交情不極小飲興偏長我愧西河隱君勤益部鞅
使節難投轄征車有避霜江門千里月相送悵河梁

贈都參軍

君是樓船將還來海上城長纓期繫虜飛檄急徵兵

節制嚴三步奇門布五營旄頭看電掃千里塞塵清

其二

何處人中傑龍韜蚤歲傳旂旂截海曲戈甲耀江天
興寄戎旃外觴飛白羽前野夫常抱病莫可助等邊

謝傅省吾侍御

海曲藏身遠多君尚眷存緘題飛絲筆迂駕過衙門
諫草當年見朋簪此日敦暫迂驄馬使高論對清尊

贈王紹元為柘湖年丈子

而翁金馬俊喜見鳳毛奇養籍三餘足披將萬卷書
秋風思奮融夙夜可忘規年少真堪畏寧虛白日馳

隨

傅虛岩給諫邀汎西湖

曉日映重湖，携舟信所如。不妨幽興遠，轉覺世情疎。
倒景涵無際，烟波望有餘。未論凌五嶽，隨處可吾廬。
同虛岩過虎跑泉

為愛名山勝，攀蘿到上方。探源從虎發，聽法有龍藏。
派衍祇園潤，流穿花塢香。與君參妙理，應得證清涼。

錢緒山見訪夜坐

長安相見日，聯騎向春風。君懷經世畧，予愧濟時功。
感慨聲華舊，殷勤道誼同。乾坤藉回斡，跋涉豈浮踪。

沈氏園亭

乘風一過訪，為愛此園居。日落留殘照，春深結綺疏。
風聲從翠篠，酒案饌肥魚。窻外流雲度，悠々興有餘。

望海

遙塘舒遠望，萬里共長流。孤島迎寒日，洪濤壯秋素。
寧無浮海嘆，祇為惜時憂。去々從吾好，安居道可謀。
客過談邊事

壤僻鮮人到，多君移棹過。肩囊違宛洛，策騎下滹沱。
白晝浮雲暝，邊城胡馬多。安能起韓白，談笑却干戈。
秋溪對菊

搖落多離索，芳叢晚更宜。新晴淡日照，乘興暝杯移。

媚眼留霜色供吟費品題百年身世尔懽暢屬東籬

紅菊

入座看佳卉亭上冠物華秋光滋麗色曉露浥奇葩
羅綺窻前態輕盈天外霞停杯思楚客獨醒若為嗟

獨立

倚徙柴門杖笑敲待晚風亂山沉落照野水倒晴空
農事頻看兩樵歌數指虹人生無定遇孰為問天工

秋暮

東望暮雲平秋山落照橫雪寒雁不度月上鵲頻驚
雅調寧甘俗愁心祇自忤那堪搖落後把卷足深更

看雪

暝色覺雲低清宵風更淒擁爐還貰酒罷卷且添緜
乍聽敲窻急旋聞積岸齊朝來聊問俗三白慰農犁

殘臘

忽已際茲月相看又一年迴塘多夕照村墅淡輕烟
爆竹從人世桃符表歲旋天時頻代謝獨坐思悠然

湖上二首

野眺晴偏好湖光景乍新棹移波蕩漾山迥石嶙峋
樹色千章秀笙歌百疊陳芙蓉行自采秋水若為神

其二

客思宜游覽招携湖水垠飄飄一仙侶身世似漁人
擊汰起鷗鷺凌空越漾翻儵然忘所適月出現全輪

孫白峯過話二首

芳菲惜已晚嗟尔到衡門一樽相共叙百緒且為爰
教鋒声南國吟懷散綺園相逢殊足慰人世孰堪論

其二

海曲棲遲地春風亦自迴到來共樽酒看遍百花菩
杖策歌池藻鋪相坐碧苔啼鶯如有意晚晚勸遺盃

春望

荏苒已春深棲遲澤畔吟柳烟迷去徑花露濕行襟

海上猶兵燹天邊起暮陰萋萋芳艸綠感慨自關心

宿法相寺

每尔過從日虛無斷俗緣人天水月現燈火梵音傳
不寐成幽寂行吟契妙玄何當却塵迹來此共安禪

梅

野外幽偏境寒花已獨開風稀舒素靨樹古積莓苔
雪返春潛露芳標香自来林篁共旋繞清思且徘徊

冬夕見月

夜寒月色皎城上海雲收一片角声動遙空朗氣浮
關山懸北望河漢迥西流庭外蕭蕭竹相看暝色秋

春晚

池畔萍香紫墻邊杏已黃暫携輕舫一泛野迴塘
誰奏閑山弄雅惟宜麴釀香不須閑俗事祇恐惹儂忙

紅梅

紺色入梅萼庭前爛熳開芳鮮逾杏色瑰麗異棠腮
杜曲花俱艷桃源人漫猜休教蜂蝶妬載酒自堪陪

對月酬客

月色近中秋天清露氣浮光生九遠外情向一尊留
不寐知宵永忘懷覺意稠塞鴻如有為鳴夜不知休
和祐山金蓮花

天作名園瑞還呈並蒂芳擎枝標葉綠舒萼耀華黃
風動來奇馥露零滋素粧燕山翮五桂庭下羨相將
和胡梅陵咏雁

常棲碣石北忽尔向衡陽木落辭遐徼春榮更朔方
汀沙留足篆雲表趨班行莫為去來亟機疎僧弋場
題乘槎圖

漢節出皇都真能犯斗樞雄心凌碧落輕轍逗仙姝
牛渚撰機石人寰列畫圖史書曾未泯莫謂證虛無
談醫士剋帶南還二首

方拜君門寵揚於問去程錦帆開畫彩秘術斂金莖

雁渡江潭影人傳帝里榮
翻行色好端不急浮名
其二

一朝辭闕下萬里度長風
春草歸游子江雲送遠鴻
藥欄尋旧勝竹閣悟玄空
為問南州杏今開莢樹紅
宿上方寺

下榻山房迥松迴古殿開
孤踪明月共旅况白雲陪
晚霽星河燦空林鐘磬來
登臨興不極歸騎莫教催

喜雨

東望海雲生高空日晦明
轟雷隨電影急雨助風聲
晚樹村口綠農歌處
耕祈年應有望茅屋飽青精

訪卜監泉南園

春日吳天棹南園暫汲泉
梅浮十畝雪竹散一江烟
釣艇緣流入閒雲當戶懸
林間高卧者曾著馬蹄篇

玄墓山二首

青山名鄧尉琳宇獨巋然
仰見星河近時聞清梵傳
平蕪圍綠野蜃氣接遙天
扶杖逍遙上蓬萊落雁邊

其二

望裏琴峰矗攀臨一徑偏
松杉依古砌臺殿枕層巔
坐憶孫登嘯行吟梁父篇
忘機吾已久揮塵意蕭然
馬上吟。

立馬看山色雲邊落雁聲千村幽樹合萬井暮烟生
虎洞藏仙跡龍淵瞰古城臨風一回首逸興與誰評

蘇門觀燈

客途三五月華月映江洲火樹排雲出烟螯駕海浮
香車銀燭競鳳吹錦袖流忽听梅花曲何人獨倚樓

問僧

行苦成羸疾癯然骨似稜悟來猿離樹迷去鼠緣藤
白馬西來意青山最上乘蕭蕭松月下獨坐碧雲燈

夢王同野

晦日長愁兩高眠病裏身寄書無雁足別恨有風塵

看劍憐光掩懷人入夢頻依上情不隔感慨意加新

夜過石林僧房

靜夜過祇園燒燈坐北軒穿雲松徑滑滴兩竹聲繁
人世看俱幻禪宗孰與論到來清景寂嗒尔意忘餐

示石林上人

迢遙數峰裏偶得共安禪自覺紛囂遠還於岑寂便
一燈無妄燄萬事總蕭然款覓無生理人天目睫邊

過太湖

放棹從吾適飄上任所驅空明浸天濶汗漫失方隅
落日橫群雁長烟破片鳧峰巒遙望裏直欲上清都

過隱山

隱山一拳石梵宇枕湖開琪樹凌霄出慈河匝地迴
秀吞吳楚勝涼動海天開不意塵寰裏真逢般若臺

宿朱涇

夜檝傍江洲蕭々林水幽樽邀天際月歌颯秋邊鷗
潮長連黃浦風輕際碧秋人生何定跡去住總悠悠

池亭

曲池聊架屋憑檻有餘清荷擎時馮露魚躍暫開蘅
歎此四時促回之百感生滄洲殊可適何必戀浮名

雨中

仲夏一番雨橫渠長綠波農家應驟喜秉耒互長歌
秧尚添針細魚當受釣多舍中雖苦潦應不念愁那

立秋

久倦炎天酷歡逢秋氣佳搖紈勞漸解岸幘興還諧
節序頻看轉長哦興未涯朱絃初展調遮莫可相懷

見螢火

散步清陰下蕭々曲徑疎忽看明滅跡但怪去來遽
夜珠終炫爛朝旭僅虛無纖類巧變幻人生安所據

江行

鼓枻浮江上天空日正晴水平潮岸濶雲淨樹沙明

好結漁樵侶何閑去住營悟來猿鶴想端不隔青城

歲除

冬殘已將歇更喜向新春壯心憑酒挽俗慮假書堙
暖律初催柳和風漸解屯藁鋤堪自把聊以展經綸

登樓

秋光眇無際乘閑眺夕曛虛窓通灩氣廣野蔽浮雲
鳥度松蘿外人居桑柘濱非同王粲遇聊藉遠塵氛

苦雨

村居便朗日急雨釀餘寒溜並雞聲曉濤從鴛瓦繁
花時旋已歇鳥韻寂無懼病骸兼緒誰云天地寬愁

避暑

掇屐上崔嵬真令炎暑摧水渠多菡萏風洞積苔莓
地勝忘三伏飈乘占一臺還期洗天雨沾洒徧埏垓

客至

避地逢迎少年求喜暫過開閑仍掃徑晏坐且高歌
已為烹芳茗旋同展秘蚪離群殊可嘆期會莫蹉跎

陽春

陽春回海嶠花鳥競輸妍氣藹山河瑞精區天地玄
洗心超末俗繕性入先天散步秦溪曲時吟白萼篇

錢海石先生詩集卷之四

五言律

覓梓谷丈於毘陵山園二首

為訪中林友清宵杜曲行孤帆掛雲度新月逐潮生
風吼毗陵樹山連北固城相期共尊酒藉解我心忤
其二

念尔甘歸隱能無事遠征已成東海政決去輞川耕
雲樹情彌恋天涯夢屢驚還逢花塢下池館總含情

同黃梓谷西湖泛月二首

桂輪排嶺出清鏡傍雲飛同汎此深夜高情未忍歸

鐘沉何處寺談慙坐來機試問蘇隄棹清宵景正輝
其二

翠藹迴三竺蒼烟鎖六橋銀盤開夜色高宴入雲霄
浪跡疑玄圃忘形渾野樵坐溪零露白漏尽未歸橈
集慶寺觀宋理宗遺像

龍馭迴千載遺弓蕭寺存山川留王氣日月護空門
香烬塵函冷丹青遺像尊徘徊湖畔意興廢共誰論

遊神山

地僻人行少山迴境沈寥崖松常翳日庭竹自凌霄
鐘冷西潭月江浮婁永潮彭仙騎鹿去幽意倘能招

汎泖

欲挹東南勝乘舟三泖風潮迎洞庭孤塔湧梵天宮
帆影暮雲外歌聲蒼靄中夕陽情未已擊楫欲凌空

山樓

為園擬十洲獨愛此山樓地仍連底石門鑿自生楸
廠戶雲從度鈎簾風正柔登臨足幽賞為爾暫淹留
宴集長慶堂贈呂東匯銀臺二首。

薊門十載別此日意如何濟世餘三策謀身合二疏
浮踪寄天地真樂自樵漁好借盧教杖周行五岳墟

其二

良時應不負朋好得相俱塵鞅吾何着清尊與不孤
芳庭春爛熳江檻兩模糊共喜岩阿在浮名任有無

寄泮泉兄永州

芝城堪臥理報政近何如驛路千尋水冥鴻幾字書
海氛驟未楚^定旄禱應除別後遙相憶荆花月上初

寄胡石屏藩叅

彩鷁三湘路声華浙水留獨深佩蘭感還向斷鴻愁
秋入洞庭濶天銜紫蓋浮題詩尚相憶應上仲宣樓

東丁一匏

逢君百續城高論乍相傾愛茲山水勝更戀友生情

班荆移白日倚玉共寒粲期訪仙人洞烟霞一棹橫

贈史大梅

十年湖海客萬里劍星搖連榻知江兩篝燈子夜潮
挾玄忘去住寄興托雲霄忽听歌驪曲能無感寂寥

贈馮祐山諫議

愛爾辭簪紱林泉興獨優芳名留諫草逸思動滄洲
賦咏奚囊滿過從語笑投為憐霜鬢改人世任沉浮

懷包蒙泉侍御

骨鯁當年疏批鱗萬里行冰霜留壯節日月照丹誠
荏苒芳時改羈棲塞雪平春來北歸雁憑爾寄緘聲

包吳石侍御邀遊佘山

迤邐佘山道，幽花滿徑生。
浦雲連海嶠，塔影落江城。
茗汲神池水，鐘傳別澗聲。
翠微堪坐賞，賓主總忘情。
和西泉兄鄉約之作

清秋灑氣爽，講解里人新。
擊壤傳王化，稽文省世囂。
藍田堪共朴，畏壘漸還醇。
行看東海上，都入一九春。
和趙尚莘憲副咏金蓮花

並騎登朝侶，今來限各天。
草玄忘世味，寄興屬瑤篇。
意逐滄洲遠，聲追大曆前。
看花隨後躅，覽句敢相聯。

題借竹軒

僧借比隣竹，吾欣竹下過。
虛簷無色相，空翠但松蘿。
孤磬声逾冷，三乘念已多。
為憐塵世網，兀坐自成哦。

秋閣

飛閣憑山迥，崔巍四望通。
簾櫳依碧漢，枕簟落秋風。
古木籠烟暝，遙村殘照紅。
坐來得澗省，新月更當空。
端陽咏荷

新霽石池蓮，田田葉正妍。
風搖青醖水，露湛翠擎天。
朝旭凝新萼，清芬襲午筵。
更欣逢令節，蒲酒碧筒傳。

雁

爰逐衡陽去，江天過陣疎。
群飛違紫塞，幾夜宿青蘆。

頻起防繒暗長鳴為影孤冥々何所羨猶向上林呼
長至日對客

黃鍾繞屈節有客乍携航閉閣不自穩扶陽為尔觴
凝寒緣凍切驟雪趁風狂遙憶春姿動江村梁未央
鍾順伯省試

槐花紛古道遊子試征篷應斫月中桂先搏海上風
才當空冀北采亦動江東蠖蛸看來久今將有化龍

贈顧養素願能辟穀日飲熟盃而已自云常有
飛丹入口遂不飢

仙踪不可詰之子有仙風霞餐無世味神解每心通

樂飲同鼓澤閑情伴赤松丹成應有日跨鶴上瑤空

題日休卷

人心胡戚々吾心應日康委化遇皆順定性機堪忘
簞瓢自可樂曲肱夫何傷塵區却執掌何遇非羊腸

遊石湖

汗漫一天水清樽倚舳艫荇疎魚忽躍沙暖鳥相呼
岑岑相盤互烟嵐乍有無平原芳草綠結屋作潛夫

登吳山塔

絕巘標香界芙蓉倚碧霄遠瞻龍象迥近擬法輪超
指顧分吳楚青冥隱汐潮斷碑摩藓讀歲月紀前朝

午日

天中臨節序忽訝姤陰生
艾虎堪防崇靈符欲辟兵
家上同射黍樹上足啼鶯
為說先天易乾元尚慮盈

贈李子孝

君是名家考詩書午夜檠
論文宜振世扣角豈謀耕
蚕歷三眠化金將百鍊精
凌雲新賦就蚤已負時名

壽隱士像

海上有仙翁機忘意自融
于朝日扶杖在釣合飛熊
風騷漢魏上氣韻丹青中
花朝值初度歡賞百年同

謝李令君

澤國凌霄棹相逢授綺筵
平生孰聞譽世路欲誰賢
飛寫由民借歌棠定尔傳
到來傾寫意不負友情懸

願山人養素善辟穀處予館
預言禍福良多驗
賦以示之

孰破先天竅能令幾事通
羨君多了悟愧我滯踈侗
混跡隨時俗相將陟華嵩
風塵何足侶香上看冥鴻

冬至贈友生

馬嶺垂髻俊來過東海家
陽和隨肇節翼舉趁時揚
得意五車內凝思乙夜長
蹇予吟白苧曷以示周行

登樓

暮色樓中景憑欄興不慳秋陰生曠野雲氣滿遙山
日落長風起波深高浪濤燈殘猶未倦思歎更躋攀

秦溪草堂二首

築室臨溪畔幽懷孰與論白雲橫遠樹曲水到閒門
屢有高人過常將佳句掄百年應有寄托與足朝昏

其二

晚色間林籟蕭然意自新汀洲漁唱續虛檻鶴聲殷
蜃氣登樓望鷗翻入渚群浮生何所戀意欲出塵紛

馮祐山枉顧

村野無供具良朋入夜來檻魚還自取樽酒為君開

坐久寒風動燈微殘月陪相逢慰相念吟賞且徘徊
兩夜

日氣漸稀微江風急兩催暗光榮火度檻響草虫胎
停盃還問夜把卷更深裁劍光看倚壁慷慨為誰開

長至日

獨寤江村日相看物候新冰霜寒沍切梅柳化機屯
直道平生志春工造化辰一陽催令序吾事不為貧

懷蔣道林二首

曾遇南來客貽聲已得聞春風開楚望妖蜃歎吳棼
世路平坡異生涯去住分長歌仍遠眺祇見隴頭雲

其二

衡陽嗟斷隔回雁自相鳴日月淹三楚雲天阻夙盟
桃岡多戶履浙水但畚耨欲比雙飛翬空懸萬里情
胡石屏臬憲遷楚藩

方岳天朝重君才世不凡蒼生欲舒困紫綬試崇銜
湖湘看德化雲夢見安誠生平重膠漆惜別展題緘

對菊

庭菊開初遍閒居坐晚晴客來非待速花裊似多情
素質娟娟靜香風款款生話長更進酒不覺夜光盈

望塔

相輪從空際落日且盤桓古寺風雲護秋光天地寬
鷹搏晴色遠燈吐晚鐘殘誰能延絕頂萬里一麾翰
看花

曲徑多芳草遊從趁曉風塵飛三徑外春在萬花中
鳥語如簧韻香騰並酒融相携皆勝侶莫待惜殘紅
花間小咏

為愛芳時勝乘春此一過名花供色笑好鳥助嬌歌
宛轉酬佳興參差步曲阿一區聊足藉何必更求多

溪上

蓮放石池秋餘馨拂酒甌興來緣鶴舞閑處與鷗浮

揮塵雲堪侶，攜琴月共流。
心中無個事，溪水自悠悠。
秋夜

秋來暑尚熾，更闌未欲眠。
暝螢斜度竹，初月影沉泉。
短塵無談佐，清砧有響傳。
此時幽趣寂，不得為人宣。

雨後喜涼

並海寬原野，涼颼忽到除。
瀟瀟雨歇後，拂拂樹搖初。
微涼供睡穩，落照繞簷餘。
忽尔饒詩思，忻然一起書。

初夏

旭日初長日，中庭樹影移。
友朋頻問字，徒倚自哦詩。
雲色空中動，蓮香分外奇。
青山堪宴坐，嗒尔自支頤。

同練溪思雲遊園亭

大隱非岩壑，為園暫結衡。
花飛三徑滿，雲護一溪橫。
橫古多鱗甲，境偏無送迎。
佳時只游賞，期尔共幽盟。
過白峯村居

朝來春色好，清興自相催。
帶篋新詩展，携筇曲徑迴。
衡門高柳暎，溪樹曉鶯來。
相逢俱一笑，暫尔拂塵埃。
五言排律

顧東橋中丞招燕黃鶴樓

衣冠逢勝地，江漢挹清芬。
幕府開華宴，虛懷右旅賓。
登樓瞻帝里，促席總王人。
鳥向空中落，帆迴別浦遙。

遠山橫翠黛激浪捲青蘋玉笋酌芳醴雕盤共紫鱗
干城嚴自固鸚鵡賦誰陳劔擊猿公捷笳鳴塞曲新
三湘歸指顧全楚入陶甄壯氣吞雲夢薰風動水濱
旌翻開府節情似五湖春舞席潛迴雪歌筵暗起塵
平生愧同調良會倍堪親

壽毛東塘司馬

闕下推元老齊東見詰人明時藉陶冶多事屬經綸
已奠群生泰仍舒國步屯洗天氣寢息格遠朔方馴
山川全禹甸封域盡堯民久役岳皇念遺安惠蓋臣
寵加延世厚恩渥賜金頻暫息行衡履猶儲憲老輪

岡陵端共祝鶴髮倍加神

岳陽樓

乘春辭帝里南轅指楚丘足底雲山滿溪邊鷗鷺浮
晴川涵碧漢芳樹遍汀洲拂劔星文耀揮戈魯日留
南薰動涼思高嶠縱吟眸揆竒既息駕攬勝復登樓
一洗征塵鞅聊以解煩憂

同張榆峯水部登黃鶴樓

乘閑宜攬勝日夕且登樓秋落湖波濶山橫紫翠稠
過帆時隱見飛鳥任沉浮坐嘯塵襟豁銜盃雅好投
白雲堪共賞黃鶴渺難留蒼水三年使西江萬里舟

朱藩簷外閃國計坐中收
不盡禰衡意回首鸚鵡洲
永福堡寄邢侍御

憶別當春日差池忽夏初三
江烟瘴地五嶺虎狼墟
日夜勞舟楫辛勤畏簡書
平生湖海意凋落雪霜餘
欲上明光疏東歸學釣魚

謝答徐州宋兵憲

不意天涯遇還為抵掌遊
黃樓低夕照沛水激清謳
千里瘡痍起三春雨露優
材官金鎖甲俎豆紫貂裘
問政先經術論文藉拍浮
三湘我行役五字子牽愁
別鶴天邊思鳴雞津畔舟
瓜期應未卜聊以短歌投

東張東居戶部

客路風霜苦朋簪意氣高
相逢共青眼垂軫過緜袍
歲序真彈指閔河藉轉漕
一官羈地部幾載獨賢勞
銜尾舟常續揚帆風自翺
灌輸欽妙算慷慨見人豪
望重題燕駿吟雄稱楚駿
征途聯阜蓋夜燭共香醪
君留淮海署予逐廣陵濤
多情悵離索深意付揮毫

書京山縣壁

乘傳驅千嶠重沾此邑塵
閑庭羅翠柏當戶起蒼筠
延接皆非舊風霜屢傍人
食魚猶在楚策馬又逢秦
每為民艱涕堪嗟政拙身
不知何歲月閒着白綸巾

書監利縣

落日江光隱迢迢到此城風塵常過眼民物總關情
早滂歲魚集農桑業已傾秋雲結愁思砧杵動寒聲
吹角夜還壯征車遠尚行宵深愁不寐從此愧浮名

送劉南郭司理湖州

閩中挺豪俊翮口鸞鳳姿羽毛儀海宇音律奏咸池
姓字金閨裏符章海國垂劔橫南斗氣翼運北溟奇
大巫行小試冬復見春禧威令還驅鯨仁恩及放麋
用酬分部寵仍布泰陽熙古俗還看復芳声定尔追
行春花氣馥問俗皂囊隨且移浮玉棹更勒岷山碑

我亦隣封逖君其浩蕩推一時恢化理千載蔭棠梨
豈讓劉安世何慙張釋之芳尊開別路蘭燭黯分歧
何日瞻眉宇功成慰庶黎

邢侍御寄声夢予賦以謝之

精誠可遐契霄漢共昭回本是同心侶還應入夢來
阿蒙吳下士使君天上才共捧絲綸詔連登江漢臺
氣躍雙龍劍情淡百蟲杯竚期棠棣夢獨向早春迴

題祁陽雷門山

絕澗湧飛泉蒼崖橫紫烟門由天幻巧室自石舒懸
共道轟雷劈還疑巨斧穿六丁驅鬼力萬劫儼龍涎

不盡登臨興思為松竹緣微吟聊寄意迫暝尚留連
登岳陽樓謝張水部

雅會湖南集欣逢把袂年波光秋後落山勢暝逾騫
萬斛舟如葉群飛鳥自翩登臨塵慮滌邂逅雅歌宣
席擁江魚饌篇裁蜀錦箋興溢君山上情深七澤邊
塵詮世泯仙跡至今傳感念情多輯追歡樂更綿江
城將月色鼓吹正喧填

東路中丞

湖海冠裳合相逢意氣真大名當道路勲業仰嶙峋
烽火連邊郡謀猷絕衆人已驅青海月復掃黑山塵
談笑着前輩風雲老此身神京還借翼聖主藉敷仁
南北俱安土華夷共沐春我捧承明詔君臨汶泗濱
丰神千里合意氣一時新許國誠深念傾心羨不泯
高飛仰征翼尺素得為伸

將入西粵與顧中丞東橋高山寺宴別

仗劍三湘地還欣使節臨才華高北斗勲業重南金
接席頻叨宴聆音屢寫心采芳過碧落話別上嶽岑
白雪歌翻調清尊醕更斟願瞻餘澤潤隣境徧謳吟
顧中丞再邀遊朝陽岩有作答謝

江空石壁迥亭擁洞天開東嶺看暝撤曦陽入夜迴

情鍾盃酒戀別惜綈袍催冬日無餘雪先春已見梅
朋簪君意渥攬轡更徘徊

奉寄泉翁

南國興人傑翩然越世躔雄声駕四海妙悟啓先天
階途迥霄際品秩固仙駢彩筆星辰麗宮墻日月連
董策無先達義經啓後賢登庸遭盛際識器仰逾全
雄談飛玉露浩氣肅秋蟬白下裁機務江臯展旆旃
門墻看履滿壇坫屬謀先位重心逾下名高守自堅
麟臺功莫並鵠印肘魚懸自愧躬頽陋曾叨侍几筵
緇衣垂引掖發覆荷陶甄蹇予江左滯仰德粵東偏

裁緘達函丈注挹意難宣

先月樓

玉蟾初試影高閣自蕭然江外秋無柰雲中笛可憐
偏從愁處照未識幾時圓皎々孤吟後依々遠樹邊
虛窻涵灑氣零露映層巔閨山離別意翹首問青天

南津

得到南津地相逢意自親翛然看俗遠驟尔見風淳
花鳥閒情遠桑麻樂事新興來明月棹夢入曉林春
快志誰同調投閒可重論幸生明盛日獨往任吾真

游天池

仄徑千松護澄潭萬石懸蘇門既勝賞此地自悠然
瀑灑晴空雨池籠晚樹烟蓮峯插天秀石鼓抱雲旋
林照幽俱爽松篁清更妍欲尋方外侶聊與寫塵緣

尸山寺

遠汎吳江棹閒雲向此過梵宮依片石荒閣隱溪蘿
歸鳥入林尽疎鐘出檻多豪吟發天籟幽意滿林阿
世事從余懶風塵奈尔何回看庭外鶴孤影自婆娑

登松雲閣

高閣岩窈上超然意象雄風簫千象緯駕尾拂溟鴻
牖結千年霧松搖萬壑風竒搜皆物外冥契尽區中

烟忽迷吳岫山常接梵宮欲解浮生縛寧須叩遠公

東樓

登眺宜茲樓村居事々幽薰風搖翠篠白日映青楸
鶴欲穿雲度鶯翻傍柳投淡烟橫遠色溪碧亘晴洲
清賞意弥愜揮毫思更綢平生驚歲換對景但悠々

七寶河下過雪。

凍雲低欲墮滿目散瓊霙密室光能入深林積漸平
九峰迴匹練三泖逗空明絮點簾櫳暗花依樹杪生
層陰迷野磧斜白上荒城鷺翻疑水躍鶴唳覺天清
凜々瑩長缺皚々曠短繁還珠難辨浦投壁不分荆

夜色浮晶宇晨輝徹綺楹過三知節序盈尺慰黎氓
豈共袁安卧須知安道行挾纊堪移棹披裘且舉觥
陽春殊可賦自愧郢中聲

贈李文華

亘秋字

之子真英彥擔簦向海陬揚舲風葉落躡屐露華浮
秀氣鍾眉宇虛懷憶証修長心馳苑圃銳志向芸樓
愧我江潭瓠時懷耕野謀蚕絲理未析豹變禱難酬
靜中窺橐籥悟處釋沉浮人事真馳駛幾微在討求
研精先下榻脫洒覺虛舟駿骨非難售涓人定尔收

和長松令君彈琴清夜

清炁灑氣爽澄霄窈窕鳴時聆爨下響還似月中清
忽尔風雲態悠然松桂情政和民俗化時暇角声平
無弦彭澤思有韻醉翁賡與聞盈耳妙真同曠世声
嗟哉彼遊治謬矣兢竽箏希声貴得契公固寰中英

山閣遠眺

每睽山林勝茲辰喜見邈重湖開佛眼傑閣枕山腰
步履溪相接禪閑迥自遙攀蘿拂雲霧倚杖傍岩堯
望眇翠環列憑虛蒼檜驕掉歌牽水罟柯響帶雲樵
乱烟營處合幽梵坐來饒登臨興不極待月放歸橈

贈鍾聞叔

海國文明會英才宣朗期事功早管晏道脈仰宣尼
力採玄編藻思食瓊島芝干將藏利鐔天馬負雄姿
尚友窺千古禔躬謝等夷川原時枉楫風雨竟忘疲
投分堪金石揮毫羨鼎彝獨慚吾守拙難副尔多奇
真傳原本性人人自得師

天寧禪院。

為愛祇園勝尋幽意獨偏蒼松何代種寶月自常園
磬發疎林杪燈傳古像前苔痕盤曲徑塔影落遙天
鳥過溪邊兩鐘沉檻外烟問禪當晚照聽法向朝筵
欲叩無生理其如涉世緣

定光佛真身

嘗聞出世法今登般若堂山川融灑氣宰堵見空王
真相火不劫慧光神自藏乘蘆殊域界卓錫破山荒
統徑天花供騰林珠月光地隣丹嶂接蛻並碧天長
幡影清風漾鍾声白晝揚小坐塵緣息幽棲貝葉香
不期此湖畔忽尔現西方

贈別新安程君

歛水折百二謀生向越陬朝航携桂楫夕畫總牙籌
計研聊自適司馬暫知休有子傳雲業還山娛月洲
樓居朋輩集心爽素情投桃李春携屐蓴鱸秋汎舟

忽憶十年契重尋千里遊琴尊消白日談笑見青眸
老鶴懷巢侶行驕動旅愁夢隨帆影杳情逐海天浮
願得時相遇殷勤問夜謀

贈天寧月林上人。

南仲開新曆春風逸思偏侵晨戒輕舫帶月泛孤烟
霽雨河流急凝雲野戍懸山居盤曲徑塔影落圓躔
烏呀溪邊竹魚沉樹底泉紺殿曇花供空門色界妍
金鈿風遞馥禪誦日初娟閒眺郊原媚徐欣物象鮮
鋒聲當午寂詩思沸泉研蝶陣翻然舞蜂衙忽尔傳
莫嫌塵世界不讓鬱藍天

與馮醫士成卿

春風嘘病草化雨發新枝造化陽常復坤乾媾自奇
養生悟玄旨伏氣下華池管魄抱天一升降當坎離
日月環中轉虎龍鞭下騎女巽交男震九轉祛三尸
陰陽自成配寒暑無相觝超然足玄覽何事問軒岐

高麗自強國書院藏

日本製本

書目録

春屋



